

光緒丙午季冬

新政攷答之一斑

楊樞署簽



光緒三十三年二月十八日發行
明治四十年三月三十一日發行

定價大洋捌角

著者
兼發行者

湯 兆 璵

印刷者
小 笠 原 芳

印刷所
日本東京市淺草區黑船町二十八番地
並 木 活 版 所



寄售處

東京神田裏神保町三番地
日本中國書林
上海四馬路棋盤街

清國廣知書局



光緒丙午南豐湯兆璵之肖像

君之意卓君之貌豐學非地圓才
堪世雄徧游三島辛葦一躬洽聞
彈見博採兼通蒐集既富杼詞靡
窮君其識時之後傑予歸匡我數
千年東亞之中 丁未春正月

蓉峰先生正 大梁程宗伊拜題



序言

我國自

明詔立憲以來熱心救國之士咸思懷一得以自奮而東渡者日益衆往年日本文部省所調查留學者已有八千餘人今且達一萬五千有奇游歷之官紳尙不在此數於庫何其盛歟顧竊僕有一言欲貢於我邦人士者近數年間東游之士固日多而流品亦愈雜其他派別姑勿具論僕所欲取而研究折衷者則莫如崇拜日本與排斥日本之二派此二派者一則第就行政上之組織觀察之而未覩夫泰西近年政術之進步益臻完備以謂以區區島國而其政界軍界教育界實業界種種發達皆有統一而不能已也一則第就風俗上之習慣觀察之見其於禮義廉恥之防遠不如我國而未思夫我國之所謂禮義廉恥者名義上視若甚嚴實質上亦極潰弛遂詆日本爲規模狹陋不足取法此其排斥之心亦自出於固然而

無足怪也雖然各就其一方面而言則崇拜者與排斥者固各有理由若就兩方面而調和之則崇拜者與排斥者皆極端之論也夫丁此世界交通智識競爭而能力尙穉勢不足遠躡泰西則且近追東亞苟調和其崇拜之心而不以取法日本自封其故步則於崇拜何有焉苟調和其排斥之心而不以師小國爲恥先取法日本而後並騁乎泰西則於排斥何有焉故就行政上之組織觀察之實有遠勝我國者固可爲攷鏡之資就風俗上之習慣觀察之尙有并不如中國者亦足爲前車之鑒舍短取長而我固坐收其效矣抑推二派之流弊其立於我國而思有所設施者必且起兩方面之衝突崇拜者則事事徒學日本之模型而於精神上不少注意適足爲排斥者所藉口而排斥者則又肆意批評舉日本風俗之缺點以相詬病遂并崇拜者之人品學問而一切踐踏無遺其株守里門不學無術之流益因而利之附和隨聲甚者或起反抗而稍具能力有灌輸文明之思想者亦且聞而滋惑怠其進取向上之心豈非彼二派者有以貽

之歟余友湯君霁峯來遊是邦所志固甚遠大而不屑規規於日本者但就向所謂節其可取之長以歸餉我國其必深有察夫兩派之流弊而用其調和之方法則有造於社會決知其非淺也湯君行將返國矣纂錄東游所聞見書既成而屬序於余不揣彘陋敢綴數言以爲湯君之前途祝
光緒丙午除夕興國謝遠涵叙於日本江戶談瀛樓

叙

漢書西域傳言渡西海不得風或三歲乃達自蒸汽發明後於西歷一千八百七十二年有英人非立司福爾者以七十八日旅行環球一時傳爲偉談不知距今十年內苟白令海底鐵道以及亞弗利加縱貫鐵道南北亞米利加縱貫鐵道如佛人之主唱者羅布爾贊助者卡乃葉之期望完成行將四十一日可世界一週矣極五洲之大觀攷列邦之得失交通之機關愈便汗漫之遊者必多甲辰秋譚隨番禹許夫子考警商務來東渡太平洋乃知尺澤之鯢不足與之量江海之大登富士山益知藩籬之闕不足與之料天地之高甚矣哉游歷之足以破蠡測管窺之見也哉邇者學部新訂京外官紳游歷簡章凡遊歷人員應將游歷情形考察事項逐日筆記等因湯公蓉峰江右士族也學優而仕仕優而學十年拖紫有口皆碑是年十月由吏部呈請給咨來東考警與日邦士大夫遊行政機關周諮博採吮筆伸紙昕夕不遑記事者必提其要纂言者必鈎其元數月之間裒然成冊名曰新政考察之一斑首列新政條陳次

附東瀛紀事集古今之論說參已見以發揮此皆湯公之腦髓之經驗之思淵之筆鋒所組織而成之者也日本福澤諭吉當明治維新以前無所師授自學英文著書數十種專以輸入泰西文明思想爲主義日本人之知有西學自福澤始也其維新改革之事業亦顧問於福澤者十而六七焉我中國值此過渡時代過去者已去如死灰之不能復然未來者未來如說食之不能獲飽圓顛方趾總總林林求其聚羣盲而能爲一離婁聚羣聾而能爲一師曠聚羣怯而能爲一烏獲已徒存虛願而湯公隻身萬里於法制經濟教育諸大端凡可爲考鏡資者類將移植於祖國以造福於同胞此其勢力亦有如日本之福澤諭吉而不可思議者讀出師表則忠義之心油然而生披岳武穆文文山等傳則慷慨激昂覽山海經搜神記等籍則游心異域閱湯公新政考察之一斑則一字一淚一棒一喝如彼龙然大獅酣睡於黑甜鄉者有不猛然魂返霍然目張也耶光緒丙午季冬上元李鳴謙拜撰於東京高等商業學校

序

自蒸汽發明瀛宇四關殊傲絕域冠蓋交午天之所啓非人所能遏也中國閉關自治數千年於茲天誘其衷以甲午庚子兩役提夜郎之夢而醒之於是貧笈挾筴航海求學者日益衆比及近年其拖紳曳綬深居簡出之官東周遊海國視察政治者亦相屬於道由今思昔其進化豈不遠哉然而風氣所靡草木互附魯人縫掖東郭吹竽前步後趨浸有不鑒人望者矣化龍居東京旣一年游歷官吏自宗國來者或得見或不得見由厥所聞則已指不盡僕其耽煩忍瘁周諮博訪汲汲若不終日者吾聞之佩之敬之而若此者固不多得乃若昕夕旅館一榻一机閉門坐臥逆計歸路若可傾同輩若可媚當道輾轉反側度日如歲暇則褒衣博帶驅車策馬摩舌人之肩背以游公園或開筵坐花酣歌嫋舞以爲樂如是者旣數月乃束裝以去歸則以親覩瀛洲文明得得自憲逢人道之不絕口寧不知見狸之尾知小於豹見象之牙知大於豕但論形概苟非盲啞嚙不能識之道之沾沾洋洋何爲也矧貫針者仰不見天拾蝨者俯不

見地若輩營營方寸者利耳勢耳寧見所謂文明者其曰文明文明自欺欺人而已自欺欺人者中國數百年來粉飾吏治至於不可救藥之大病源也昔粉飾於內今之粉飾借資於外蒙虎皮以相震信口崇拜奴隸互誘由若所爲是夜郎自大之夢纔醒又瞠目而尋蕉鹿之夢也伊可悲矣同宗蓉峯先生以謁選之隙游歷東京既得一見之又嘗親陪考察勲懋懇懇心竊敬佩蓋所謂耽煩忍瘁周諮博採汲汲若不終日者其將歸也復詮次日記以述所得而屬爲之序嗚呼言之非艱行之唯艱先生旣內洞情勢復以海外之經驗一一筆記之親民之任瞬息將屬寧以是筆記者畢乃事耶光緒丙午十二月宗晚化龍濟武氏序於東京寓廬

自叙

讀尤西堂詩集曰十年蹤跡漫勞勞風雨周游有敝袍短棹獨臨滄海濶
指揮五嶽屬吾曹又曰千里壯心天馬下想見直抒懷抱無限辛苦風塵
之狀況盡寄於悲歌慷慨中萬種愁思一腔憂憤不因人以附熱翻爲仕
而長貧千秋流涕誰是賈生一代賢良果真卜式哉璵以苜蓿一官匏繫
將十載矣甲辰六月赴都引

見得用知縣南北奔馳蹉跎歲月春暮遨遊燕市冬初遠渡扶桑噫是行也殆
將與二三夙好觀團子坂之菊龜井戶之梅向島上野之櫻花不忍池之
蓮日比谷公園之躑躅與夫芝公園之老杉古松以娛目而騁懷耶抑將
與二三同志考其國粹之保存社會之團結國民齊一之性質地方自治
之成效與夫愛國忠君之思想整軍尚武之精神法制何以躋於平經濟
何以綜其要學校之宏興實業之進步向之閉關主義忽變爲開通主義
三島小國忽儕於文明大國以借鑑而改良耶或曰子過矣以謁選微員

具憂天志願手無尺寸之柄權利不足以怵人聲譽不足以飾衆即使由舊學以擴新知一洗曩者迂陋姍姍之積習欲備位下僚振興庶務毋乃夸歟璵曰否願所不能償者而志不可不壯力所不能副者而識不可不練英之德勒克一周地球不聞以權利著俄之麥登斯曾著中亞細亞論略二卷意在繼好中朝釋嫌英國乃克以聲譽聞其他起自寒微毅然盡國民之義務以扶衰救弊爲己任者亦不乏人考游歷之義歷盡也謂徧及之也顏師古注歷謂歷觀之璵愧不獲徧遊二十帝國之名都按二十帝國清日韓英佛獨露米奧白耳義葡荷牙土耳其西班牙意大利暹羅希臘瑞典諾威丁抹和蘭墨西哥諸國與其邦賢士大夫遊通其語言察其政俗聯中外之權弭紛爭之衅猶幸得歷同洲同種同文之維新島國採其政俗略著新編猶子本殷留學於茲瞬屆三載舌人之導差免困難傳聞語藉佐參稽博雅士幸匡不逮考察云者審理亂之大趨迹政治之得失然舉事類以相比附竊取古者紀事意與平日管窺所及有關於新政之旨者弁於卷端復彙爲日記信筆紀之以便隨時續附一知半解剽

竊自矜雖不足以問世藉以告鄉里咫尺見者俾資嚮導庶不虛此一行焉斯已耳

凡例

一古人所編日記體例各殊顧氏之日知錄經傳之學也曾氏之求闕齋日記義理之學也此外皇華載道東西紀行莫不各抒所長互徵心得凡見聞所及或採友朋之吟咏考古今之論說參已見以發揮其淵洽者固可資史家之採輯爲後學之津梁現值游歷員日記層出因特稍變其例名曰新政考察之一斑雖與近人日記體裁不無稍異藉免襲故之愆以取標新之義

一無錫薛氏日記凡例云務恢新義兼網舊聞或簡或繁非一隅所能盡因舉是年秋間所上新政條陳暨乙已在本省調查學務所上利弊各條有關於憲政之要者選擇登錄間取東事證之一得之愚不敢自秘地方自治用佐採風

一赴東主義曾由吏部呈請給咨聲明考察法制經濟教育諸大端行政機關首崇教養參觀義務貴取精詳計時日之久暫擬將研究所及者另訂專

書籍符日記簡要之體冀竭壤流補助之誠

一遵照 學部新訂京外官紳游歷簡章凡游歷人員應將游歷情形考察事項逐日筆記歸國時所編日記應早出使大臣學部暨原咨衙門考察愈久筆記愈繁繕寫各份日力精力均有未暇因付印刷以便分呈書篋無多加之慮促空疏之誚幸亮警焉

一日記之編昔人所尚賢者識大不賢識小偶有所觸涉筆記之以備遺忘間資參考若游歷員之宜有日記尤可於閱歷之餘藉徵心得或盱衡古今或融貫中外自慚票陸學識耄然遑計妍媸用抒梗概

一陰晴風雨雪有記者有不記者有專記其在塗之日者然中外之氣候各殊援筆記之以資占驗惟逐日編記或一日數日中竟無可記之事亦不敢蹈贅與虛之失用付闕如免譏繁瀆

新政攷證之一斑目次

上 卷

丙午政新條陳	一
江右除弊通議	一九
輔仁學會芻言	二九
勸學十箴	三三
堅忍箴	三三
趨嚮箴	三三
籌款箴	三四
規則箴	三四
課程箴	三四
講說箴	三五
目次	一